

25-03-09/21

- son SHARTNOMA

Navoiy sh.

"05" 01

2022 yil

Ushbu shartnoma bir tomondan Navoiy viloyati Elektromagnit moslashuv xizmati (EMMX), Nizom asosida faoliyat yurituvchi boshliq Oblayev J.T. va ikkinchi tomondan asosida faoliyat yurituvchi Navoiy 43C keyingi o'rinlarda "Foydalanuvchi" nomidan rahbari Xalilov M.B. quyidagilarga kelishgan holda tuzildi:

1. Shartnoma mazmuni

1.1. Radioelektron vositalardan (REV) foydalanishga muayyan radiochastotalar yoki radiochastota tasmlarini taqdim etish.

EMMX tomonidan Foydalanuvchiga elektromagnit moslashuvchanlikni hisoblash va nazorat qilish, REV va radiochastotalarni ro'yxatdan o'tkazish xizmatlarini ko'rsatish.

1.2. Chet el aloqa ma'muriyatlari bilan radiochastota taqdimotlarini muvofiqlashtirish tayyorgarlik bo'yicha xizmatlar, shuningdek REV va radiochastota taqdimotlarini Xalqaro elektraloqa ittifoqida (XEI) ro'yxatdan o'tkazish bo'yicha xizmatlar ko'rsatish.

1.3. EMMX tomonidan Foydalanuvchiga ajratilgan radiochastota resursining texnik tayyorligini ta'minlash va undan foydalanishni nazorat qilish uchun ko'rsatiladigan xizmatlar, shuningdek, foydalanuvchining radioelektron vositalariga xalaqit beradigan radioshovqinlarni bartaraf etish bo'yicha ishlarni amalga oshirish.

2. Tomonlarning majburiyatlari

EMMX majburiyatlari:

2.1. Amaldagi qonunchilikka muvofiq, REVni harid qilish va o'rnatish, loyihalashtirish va qurish, horijdan olib kirish va foydalanish uchun ruxsatnomalarni rasmiylashtiradi. Loyihalashtirish va qurish, shuningdek foydalanish uchun berilgan ruxsatnomaning amal qilish muddati, Foydalanuvchiga telekommunikatsiya sohasida faoliyat yuritishi uchun berilgan Litsenziyaning amal qilish muddatidan oshmasligi zarur.

2.2. Foydalanuvchining REVlarini ro'yxatdan o'tkazish va shu bilan bog'liq barcha kerakli ishlarni bajarish bilan shug'ullanadi.

2.3. Elektromagnit moslashuvchanlik ekspertizasini o'tkazadi, zarur hollarda, radiochastota taqdimotlarini xorijiy davlat aloqa ma'muriyatlari bilan muvofiqlashtirish ishlarini amalga oshiradi.

2.4. Qonun hujjatlariga muvofiq, shuningdek, foydalanuvchining yozma so'roviga binoan, foydalanuvchining barcha turdagi radioelektron vositalarini va radioaloqa tizimlarini o'rnatilgan tartibda Xalqaro elektraloqa ittifoqida ro'yxatdan o'tkazadi.

2.5. Xorijiy davlat aloqa ma'muriyatlari bilan radiochastota taqdimotlarini muvofiqlashtirishda, shuningdek radiochastotalarni tayinlash va radioelektron vositalar va radioaloqa tizimlarini Xalqaro elektraloqa ittifoqida ro'yxatdan o'tkazish bilan bog'liq munozarali masalalar yuzaga kelganda, Foydalanuvchining qonuniy huquqlarini va manfaatlarini himoya qiladi.

2.6. Foydalanuvchining REVlariga bo'ladigan radiohalaqitlar ta'sirini belgilangan muddatda bartaraf etishni ta'minlaydi.

2.7. Foydalanuvchining REVlarining ishlashi ustidan texnik radionazoratni amalga oshiradi.

Foydalanuvchi majburiyatlari:

2.8. REVni harid qilish (olish, berish), loyihalashtirish, qurish (o'rnatish, rekonstruksiya qilish, kengaytirish), horijdan olib kirish va REVdan foydalanishda belgilangan tartibga rioya qiladi.

2.9. REVdan foydalanish huquqini beruvchi ruxsatnomalarda nazarda tutilgan, REVga taqdim etilgan radioma'lumotlarga asosan, amaldagi radionurlanish va boshqa talablarga muvofiq ishlashini ta'minlash.

2.10. Foydalanuvchiga tegishli bo'lgan REVlar va radioaloqa tizimlarining radioaloqa qurilmalari va ayrim operatorlarning tizimlariga, shu jumladan qo'shni davlatlar aloqa ma'muriyatining operatorlariga radioxalaqitlar paydo bo'lishining oldini olish bo'yicha choralar ko'rish.

2.11. Radioaloqadan foydalanishning belgilangan qoidalariga rioya qilish.

2.12. EMMX tomonidan ko'rsatilgan xizmatlar uchun taqdim etilgan hisob-varaqa fakturaga muvofiq o'z vaqtida (10 kundan kechiktirmay) to'lovlarni amalga oshirish.

2.13. EMMXga hisob-kitoblarni o'tkazish va tegishli ruxsatnomalarni taqdim etish uchun zarur bo'lgan barcha kerakli hujjatlar va materiallarni taqdim etish.

2.14. EMMXga Xalqaro elektroaloqa ittifoqida (XEI) radiochastota taqdimotlarini, radioelektron vositalar va radioaloqa tizimlarini ro'yxatdan o'tkazish uchun ariza berish maqsadida barcha kerakli hujjatlar va ma'lumotlarni, shuningdek muvofiqlashtirish zonalarini aniqlash bo'yicha amalga oshirilgan hisob-kitoblarni taqdim etish.

2.15. REVdan foydalanish huquqini beruvchi ruxsatnomalarni muddatini uzaytirishda, EMMXga avvalgi davrdagi ruxsatnomalarni taqdim etish.

2.16. Texnik nazorat doirasida Foydalanuvchi tomonidan ishlatilayotgan REVga EMMXning mansabdor shaxslarini to'siqsiz kirishni ta'minlash.

2.17. REV xavfsizligini ta'minlash.

2.18. Foydalanuvchi ishlatayotgan REVlar, televizion va radioeshittirish dasturlarini qabul qilishga va boshqa REVlarga radioxalaqit manbai Foydalanuvchi o'zining REVni bo'lsa, uni bartaraf etishda EMMX tomonidan qilingan xarajatlarni qoplash.

2.19. Foydalanuvchining REV va radioaloqa tizimlari, xorijiy davlat aloqa ma'muriyati va alohida radio operatorlari faoliyatiga xalaqitli ta'sir hosil qilganda, ushbu masalalarni hal qilish uchun EMMX tomonidan sarflangan xarajatlarni qoplash.

2.20. EMMX tomonidan yuborilgan tavsiyalarga (shu jumladan texnik tavsiyalarga) amal qilish.

2.21. Agar Litsenziyalovchi organ foydalanuvchiga telekommunikatsiya sohasidagi faoliyat turi uchun berilgan Litsenziyani to'xtatish yoki bekor qilish to'g'risida qaror qabul qilsa, radioelektron vositalarning ishlashini to'xtatishni ta'minlash.

2.22. Radiochastotadan foydalanish to'xtatilganda yoki REV faoliyatiga berilgan litsenziyani va REVning ishlashiga berilgan ruxsatnomalar bekor qilingan taqdirda, REV faoliyati tugatilgandan so'ng, 10 kun muddat ichida EMMXga REVni demontaj qilinganligi yoki saqlashga berilgani haqida Dalolatnoma nusxasini taqdim etadi, xamda foydalanish uchun berilgan ruxsatnomani qaytaradi.

3. Tomonlarning huquqlari

EMMX huquqlari:

3.1. Foydalanilayotgan REVning ustidan texnik nazoratni olib borish.

3.2. REVlardan foydalanish tartibiga rioya qilmaslik, radioxalaqitlarning oldini olish bo'yicha chora-tadbirlar bajarilmasligi, radioaloqadan foydalanish qoidalari buzilishi, hamda amaldagi radionurlanish parametrlari standartlariga mos kelmagan hollarda, REVlardan foydalanishni taqiqlash.

3.3. Foydalanuvchiga aniqlangan qoidabuzarliklarni bartaraf etish bo'yicha ko'rsatmalar berish.

3.4. Litsenziya beruvchi organ Foydalanuvchiga telekommunikatsiya sohasidagi faoliyat turi uchun bergan Litsenziyani to'xtatish yoki bekor qilish to'g'risida qaror qabul qilgan taqdirda, taqdim etilgan radiochastota va REVLardan foydalanishga berilgan ruxsatnomalarni to'xtatish yoki bekor qilish.

3.5. Quyidagi hollarda REVLardan foydalanishga berilgan ruxsatnomalar bekor qilinishi mumkin:

- ruxsat berilgan kundan boshlab 6 oy ichida taqdim etilgan radiochastotalardan foydalanmaslik;
- EMMX tarif to'lovlarini to'lash uchun, shuningdek radiochastota spektridan foydalanganlik uchun foydalanuvchida mavjud bo'lgan muddati o'tgan debitorlik qarzlari mavjud bo'lsa;
- Foydalanuvchi tomonidan REVLarni ro'yxatdan o'tkazish va undan foydalanishning belgilangan tartibini qo'pol ravishda buzgan hollarda.

3.6. EMMX quyidagi hollarda Foydalanuvchining REVLardan foydalanish huquqini to'xtatib turish yoki cheklashga haqli:

- REVLarni ro'yxatdan o'tkazish va uni foydalanish tartibini buzilishini bartaraf etilgunga qadar;
- alohida holatlarda, shuningdek Radiochastotalar bo'yicha respublika kengashi (RCHRK) tomonidan kiritilgan cheklov va taqiqlar asosida alohida radiochastotalardan foydalanish zaruriyati bo'lsa.

Foydalanuvchi huquqlari:

3.7. REVLardan foydalanish uchun berilgan ruxsatnoma doirasida taqdim etilgan radiochastotalardan foydalanish.

3.8. XEIda radiochastotalarni ro'yxatdan o'tkazish uchun EMMXga maslahatlar va tavsiyalar uchun, murojaat qilish.

3.9. REVLarga ta'sir qiluvchi radioxalaqitlarni o'z vaqtida bartaraf qilish uchun EMMXga murojaat qilish.

3.10. Taqdim etilgan radiochastotalardan voz kechish xamda REVLardan foydalanishni to'xtatish.

4. Ko'rsatilgan xizmatlar uchun to'lov va hisob-kitob tartibi

4.1. Ushbu shartnoma bo'yicha barcha EMMX xizmatlarining narxi (chastotalarni taqdim etish va REVga ruxsatnoma berish uchun to'lov, e'lon qilingan radiochastotalarni xorijiy davlat aloqa ma'muriyatlari bilan muvofiqlashtirish va XEIda radiochastotalarni ro'yxatdan o'tkazish uchun xizmatlarning narxi, radiochastotalardan foydalanish uchun to'lov va boshqalar) taqdim etilgan hisobvaraqa-fakturalarga asosan belgilanadi.

4.2. Shartnomada ko'rsatilgan xizmatlar uchun EMMX va Foydalanuvchi o'rtasida hisob-kitob, Elektromagnit moslashuv ekspertizasi, radioelektron vositalar va yuqori chastotali qurilmalarni ro'yxatdan o'tkazish va ulardan foydalanish bo'yicha xizmatlar tariflariga muvofiq amalga oshiriladi (Tariflar).

4.3. Bir marotabalik to'lanadigan to'lovlar tariflarga muvofiq to'g'ridan-to'g'ri tegishli ruxsatnoma (olib kirish, harid qilish, o'rnatish, loyihalashtirish, qurish, foydalanish va boshqalarga) berilishidan oldin amalga oshiriladi.

4.4. Foydalanish uchun to'lovlar REVLardan foydalanish huquqini beruvchi ruxsatnomalar berilishidan oldin foydalanishning birinchi oyi uchun to'lanadi va keyinchalik har oyning 10 sanasigacha joriy oy uchun yillik miqdorning mutanosib qismida to'lanadi.

4.5. Foydalanuvchi foydalanish to'lovining yillik miqdorini birdan to'lashga haqlidir.

4.6. Tariflar o'zgargan taqdirda, Foydalanuvchi yangi tariflar joriy qilingan davrdan boshlab qo'shimcha to'lov to'laydi.

4.7. Foydalanuvchi berilgan hisobvaraqa-faktura olgan kundan boshlab bankning 10 ish kuni ichida to'lashi kerak.

4.8 Tariflarda ko'zda tutilmagan ish va xizmatlarning narxi tomonlar o'rtasida kelishilgan narxlar va xarajatlar smetasi asosida to'lanadi.

5. Tomonlarning mas'uliyatlari

5.1. Ushbu bitim bo'yicha majburiyatlarni bajarmaganlik yoki lozim darajada bajarmaganlik uchun tomonlar O'zbekiston Respublikasining Fuqarolik Kodeksi, "Xo'jalik yurituvchi subyektlar faoliyatining shartnomaviy-huquqiy asoslari to'g'risida" gi O'zbekiston Respublikasining 1998 yil 29 avgustdagi Qonuni va boshqa qonun hujjatlariga muvofiq javobgar bo'ladilar.

EMMXning mas'uliyatlari:

5.2. Tegishli ruxsatnomalar berish va radioxalaqitlarni bartaraf etish to'g'risidagi arizalarni ko'rib chiqishning amaldagi me'yoriy hujjatlarida belgilangan muddatlarga rioya qilish.

5.3. Ushbu shartnomaga asosan ishlar va xizmatlarning o'z vaqtida yoki noto'g'ri bajarilgani uchun, EMMX foydalanuvchiga har bir kechiktirilgan kun uchun majburiyatning bajarilmagan qismi qiymatining 0,5 foizi miqdorida jarima to'laydi, lekin bu qiymat xizmatlar narxining 50 foizidan oshmasligi kerak.

5.4. Foydalanuvchining tijorat sirlarini oshkor qilmaslik.

5.5. Radiochastotalarni noto'g'ri belgilash natijasida radioxalaqitlar vujudga kelsa, EMMX foydalanuvchi bilan kelishgan holda, tanlangan boshqa radiochastotalarni to'lovsiz taqdim etadi.

Foydalanuvchining mas'uliyatlari:

5.6. EMMX tomonidan ko'rsatilgan xizmatlari va amalga oshirilgan ishlari uchun taqdim etilgan hisobvara-fakturalarini o'z vaqtida to'lash.

5.7. EMMXga taqdim etilgan REVlar soni, ularning texnik xususiyatlari, o'rnatish manzili, quvvati, shuningdek XEIda ro'yxatdan o'tkazish uchun radiochastota taqdimoti va elektromagnit moslashuvchanlik hisob-kitoblari uchun zarur bo'lgan boshqa ma'lumotlar ishonchiligi uchun.

5.8. Foydalanuvchi aybi bilan boshqa foydalanuvchilar REVlarida radioxalaqitlar vujudga kelsa, radioxalaqitni bartaraf etish bo'yicha EMMX harajatlarini qoplash.

5.9. Foydalanuvchining mansabdor shaxslari chet eldan harid qilish (berish), qurish (o'rnatish), olib kirish shuningdek REVlarni ro'yxatdan o'tkazish va foydalanishning belgilangan tartibini va "Radioaloqadan foydalanish qoidalarini" (21.02.2006 y. 1547-son bilan Adliya Vazirligidan ro'yxatdan o'tkazilgan) qonunlarini buzganlik uchun javobgardirlar.

5.10. To'lov talabini qabul qilishdan asossiz ravishda to'liq yoki qisman rad etish, shuningdek xizmatlar uchun to'lovni to'lashdan bo'yin tovlash uchun Foydalanuvchi EMMXga to'lashdan qochgan summaning 15 foizi miqdorida jarima to'laydi.

5.11. EMMX tomonidan amalga oshirilgan xizmatlar va ishlar uchun taqdim etilgan hisobvara-fakturalarni o'z vaqtida to'lamaganligi uchun, foydalanuvchi har bir kechiktirilgan kun uchun muddati o'tgan to'lov miqdorining 0,5 foizini to'laydi, lekin bu to'lov muddati o'tgan to'lov miqdorining 50 foizidan ko'p bo'lmasligi lozim.

6. Favqulodda vaziyat

6.1. Ikkala tomon ham ushbu shartnoma bo'yicha majburiyatlarni qisman yoki to'liq bajarmaganligi uchun javobgarlikdan ozod qilinadi, agar bu xol shartnoma tuzilgandan keyin paydo bo'lgan favqulodda hodisalar natijasida yuzaga kelishi kutilmagan va oldi olinmaydigan favqulodda hodisalar natijasida sodir bo'lgan bo'lsa, ya'ni urush yoki harbiy harakatlar, terroristik harakatlar, zilzilalar, toshqinlar, yong'inlar, epidemiyalar, epizootiya, davlat hokimiyati organlarining qarorlari, qonunchilikdagi o'zgarishlar (fors-major).

6.2. Fors-major holatlari yuzaga kelgan tomon, ko'rsatilgan holatlar yuzaga kelgan paytdan boshlab 10 kun ichida boshqa tomonga xabar berishi va ushbu holatlarni tasdiqlovchi yozma yoki boshqa dalillarni taqdim etishi lozim.

7. Korruptsiyaga qarshi kurashish shartlari

7.1. Tomonlar, ularning har biri poraxo'rlik va korruptsiyaga umuman toqat qilmaslik siyosatini olib borishini tan oladilar va tasdiqlaydilar, bu korruptsiya va ko'mak berish uchun to'lashning to'liq taqiqlanishini nazarda tutadi, ularning maqsadi rasmiyatchilikka ko'maklashishdir. Tomonlar o'z faoliyatida amaldagi qonunlar va uning asosida pora berish va pora bilan kurashishga qaratilgan ishlab chiqilgan siyosat va protseduralarni boshqaradi.

7.2. Tomonlar na ular va na ularning ishchilari tomonlarning biron bir shaxsiga korruption to'lovlarni taqdim etishni taklif qilmasliklari, taqdim etishlari yoki ularga rozilik berishlari shuningdek taraflarning to'g'ridan-to'g'ri yoki bilvosita biron bir shaxsdan har qanday korruptsiya to'lovlari olish, qabul qilish yoki qabul qilishga rozi bo'lmasliklariga kafolat berishadi.

7.3. Agar Tomonlardan biri 7.1 va 7.2-bandlarning biron bir qoidalari buzilishi sodir bo'lgan yoki yuzaga kelishi mumkin deb taxmin qilsa, tegishli Tomon rasmiy Tarmoq kanallari orqali boshqa Tomonni yozma ravishda xabardor qilishga majburdir. Yozma xabarnomada Tomon ushbu Shartnomaning 7.1 va 7.2-bandlarining har qanday qoidalari buzilganligi yoki sodir bo'lishi mumkinligi to'g'risida tasdiqlovchi yoki asos berish uchun dalillarga murojaat qilishi yoki materiallarni taqdim qilishi shart.

8. Boshqa shartlar

8.1. Ushbu shartnomaning bekor qilinishi Foydalanuvchiga berilgan ruxsatnomalarning bekor qilinishiga olib keladi va taqdim etilgan radiochastotalar boshqa foydalanuvchilarga biriktirilishi mumkin.

8.2. Foydalanuvchining balansi (ijara)dagi REVLar ro'yxati shartnomaga ilova tariqasida berilishi shart va uni amalga oshirilish jarayonida tomonlar ro'yxatga aniqliklar kiritishlari mumkin.

8.3. Shartnomaga o'zgartirishlar va qo'shimchalar amaldagi qonunchilikdagi o'zgarishlarga muvofiq yoki tomonlarning kelishuviga binoan amalga oshiriladi.

9. Shartnomaning amal qilish muddati

9.1. Shartnomaning muddati ruxsatnomalarning amal qilish muddati bilan belgilanadi, ammo u foydalanuvchiga telekommunikatsiya sohasidagi faoliyat turi uchun berilgan Litsenziyaning amal qilish muddatidan uzoqroq bo'lishi mumkin emas.

9.2. REVLardan foydalanish uchun ruxsatnomalarning muddatini uzaytirganda, shartnomaning muddati keyingi amal qilish davriga uzaytirilgan deb hisoblanadi.

9.3 Ushbu shartnoma quyidagi hollarda avtomatik ravishda bekor qilinadi:

- REVLar ishini to'liq tugatish va Foydalanuvchining taqdim etilgan radiochastotalardan bosh tortishi;

- REVLardan foydalanish uchun berilgan ruxsatnomalarni bekor qilinishi;

- telekommunikatsiya sohasidagi faoliyat turi uchun Foydalanuvchiga berilgan litsenziyaning to'xtatilishi yoki bekor qilinishi.

9.4. Tomonlarning biri shartnoma talablarini buzishi oqibatida boshqa tomon tashabbusi bilan shartnoma faoliyati to'xtatilishi mumkin. Shartnomaning to'xtatilishi to'g'risida bir tomon, shartnoma to'xtatilishi muddatidan bir oy oldin yozma holda ikkinchi tomonni ogohlantiradi.

10. Munozaralarning hal qilinishi

10.1. Mazkur shartnomadan kelib chiqadigan barcha munozaralar va kelishmovchiliklar imkoni boricha tomonlar o'rtasida muzokaralar olib borish yo'li bilan hal qilinishi kerak.

10.2. Munozara va kelishmovchiliklarni tartibga solishning imkoni bo'lmagan holda, ular O'zbekiston Respublikasining iqtisodiy sudi tomonidan, ularning vakolatlariga muvofiq hal qilinadi.

11. Tomonlar yuridik manzillari va to'lov raqamlari

Elektromagnit Moslashuv xizmati

Foydalanuvchi

210100, Navoiy sh., A. Temur ko'cha, 4-uy

X/R: 20210000300155263040

AK "Aloqabank"ning Navoiy shahridagi filiali

MFO: 00401 STIR: 201057444

OKED: 61900

Tel/Faks: 71 230-64-69, 79 220-63-24



J.T. Oblayev



bya - [signature]
1190 - [signature]
100000 - [signature]

100000 - [signature]

Huquqiy hulosa

1. Ushbu bitim iqtisodiy munosabatlarni O'zbekiston Respublikasi Fuqarolik Kodeksining II qismi 38-bobi va O'zbekiston Respublikasining 08.29.98 yildagi "Tadbirkorlik subyektlari faoliyatining shartnomaviy-huquqiy asoslari to'g'risida"gi qonunida belgilangan normalariga muvofiq tartibga solinadi.

2. Ushbu shartnomaning shartlari O'zbekiston Respublikasining "Radiochastota spektri to'g'risida"gi, "Telekommunikatsiyalar to'g'risida"gi qonunlar va boshqa normativ hujjatlar talablariga javob beradi.

3. Shartnoma bo'yicha javobgarlik choralari va nizolarni hal qilish tartibi qonun talablarida belgilangan normalarga asosan amalga oshiriladi.

"Xo'jalik yurituvchi subyektlar faoliyatining shartnomaviy-huquqiy asoslari to'g'risida" gi O'zbekiston Respublikasi Qonunining 21-moddasi asosida amalga oshirilgan yuridik ekspertizani o'tkazgandan so'ng, quyidagicha xulosa qilaman: "Ushbu bitim xo'jalik shartnomasi sifatida ishlatilishi mumkin".

ИЗДА
юрис
урнагила
бароига

«НИЭБАЖ ишлаб чиқариш
буйича директори
Ж.Б. Хамраев га
ДТБВ бошлиги
О.О. Куватов
томонидан

Билдирги

Шуни ёзиб маълум қиламанки Навоий вилояти Электоромагнит
мослашуви хизмати (ЭММХ) ягона етказиб берувчилар руйхатида
булганлиги учун шартнома тузишга рухсат беришингизни сурайман.

Асос ПКМ-429 26.10.2001й. ПКМ-318 01.05.2018 й.

ДТБВ бошлиги



О.О. Куватов

21.01.2022г.